

**«Күншуақ» бөбекжай»МКҚК**  
**Меңгеруші жанындағы кеңесінің №1 хаттамасы**

**Ақсукеңт ауылы**

**11.09.2023 ж**

Төрайымы: Р.И.Айтжанова

Хатшысы: С.Досполова

Қатысқандар: 30 - қызметкер

**Күн тәртібінде:**

1. Топтардың жаңа оқу жылына дайындығы, санитарлық жағдайы.
2. «Мектепке дейінгі ұйымдарға және сәбилер үйлеріне қойылатын санитариялық-эпидемиологиялық талаптар» санитариялық қағидалары
3. Балалардың тамақтануын ұйымдастыру, үстелдерді жасау балалардың кезекшілігі, тамақ ішуді үйретуге тәрбиешілердің қатысуы.
4. Балалардың білім деңгейінің бастапқы мониторинг қорытындысы.

**Тыңдалды:**

1. Күн тәртібінің бірінші мәселесі бойынша балабақша меңгерушісі Р.И.Айтжанова, сөз алды. Өз сөзінде балабақшаның жаңа оқу жылына дайындығы жайында айтып түсіндірді. Балабақша 12 топқа арналып жабдықталған. Топтарда балалардың денсаулығы мен тәрбиесі үшін барлық жағдай жасалған. Балабақша ауласында ойын алаңдары жабдықталғанын айтты.

Шаруашылық меңгерушісі А.Бақытханова өз сөзінде арнайы асхана бөлмесі де бар, сонымен қатар музыка және дене шынықтыру оқу қызметтеріне арналған зал да жасақталған. «Құрметті әріптестер, алдағы уақытта осы мүмкіндіктің бәрін пайдалана отырып, балалардың жеке тұлға ретінде қалыптасуы үшін бірлесіп жұмыс жасаймыз деп ойлаймын», - деп өз сөзін аяқтады.

2. Күн тәртібінің екінші мәселесі бойынша балабақша меңгерушісі Р.И.Айтжанова өз сөзінде Қазақстан Республикасы Денсаулық сақтау министрі 2021 жылғы 9 шілдедегі № ҚР ДСМ- 59 бұйрығымен бекітілген

"Мектепке дейінгі ұйымдарға және сәбилер үйлеріне қойылатын санитариялық-эпидемиологиялық талаптар" санитариялық қағидаларымен таныстырды. МДҰ-ға қажетті таруларына тоқталып, таныстырып кетті.

3. Күн тәртібіндегі келесі мәселе бойынша бөбекжай дәм бикесі Шонмырзаева Г өз сөзінде балалардың бірінші кезекте жас ерекшелігін ескере отырып ас мәзірі әзірленіп, бекітілгенін айтты. Балабақшада балаларға 3 мезгіл (таңертең, түс, бесін) ас әзірленетінін жеткізді. Ас мәзірінде көрсетілген тағамдарды әр топқа жеке-жеке асханадан алып кету және балаларға таратып беру уақыттарын түсіндіріп айтып берді. Сонымен қатар әрбір топта тамақтануды ұйымдастыру кезінде балалардың жеке бас гигиенасы мен жалпы тазалық жұмыстары міндетті түрде жүргізіліп отыруы тиіс екендігін атап айтты.

«Мектепке дейінгі жастағы балалардың тамақтануы сапалы да, сандық жағынан да дұрыс болуы тиіс. Баланың рационының майлармен, тұзбен және қантпен артық болуы және ондағы көкөністер мен жемістердің жеткіліксіз болуы: балалар ағзасының дистрофиялық өзгерістеріне, иммунитеттің төмендеуіне, оның өсуі мен дамуына қажетті организмдегі микроэлементтердің жетіспеушілігіне әкелуі мүмкін.

Мектепке дейінгі жастағы балалардың дұрыс тамақтанбауы үлкен жастағы кезеңдерде елеулі проблемаларға әкелуі мүмкін.

1. Балалардың дұрыс тамақтануының бірінші және ең маңызды қағидаттарының бірі-бұл энергетикалық теңгерімділік. Кейде біз Сізбен бірге өз балаңыздың барлығын тамақтандыруға тырысамыз. Балаға ол алатын тағамның көлемі ғана емес, оның энергетикалық құндылығы да маңызды екенін есте сақтау керек. Қазіргі уақытта ұн өнімдерінің, картоптың, қанттың көп мөлшері қолданылады, сол арқылы балалар ағзасын теңгерімсіздікке әкеледі: бала жұмсауға қарағанда көп

тұтынады. Мұның бәрі семіздікке және басқа да ауыр ауруларға әкелуі мүмкін. Фастфуд "сән" (майларға бай) және компьютер алдындағы балалардың аз қозғалатын бейнесін ескере отырып, артық салмақ деңгейі тез өсуде. Сақ болыңыз! Көмірсулар мен майларды артық тұтыну зат алмасуының бұзылуына әкелуі мүмкін.

Тамақтанудың теңгерімділігі ағзаның энерготраттарын толығымен жабатын өнімдерді тұтынудың оңтайлы арақатынасын білдіреді. Мысалы, 1-7 жастағы балалардағы энерготраттар 1 кг дене салмағына 80-100 ккал құрайды. Ағзадағы қоректік заттардың келуі ағза оларды тікелей тағамнан алып, арнайы тағамдық қоспалар мен ішектің көмегімен өңдейді немесе өзі синтездейді. Сондықтан барлық тағамдық заттар ағзада синтезделмейтіндіктен Ұсынылатын өнім жиынтығын білу өте маңызды.

Баланы дұрыс тамақтандыру және асқазан-ішек жолы қызметіндегі барлық ауытқуларды түзету маңызды.

2. Баланың рационын жасау кезінде тағамдардың әртүрлілігі және аспаздық өңдеудің әртүрлілігі маңызды болып табылады. Бұл бала барлық макро және микронутриенттерді (ақуыздар, майлар, көмірсулар, витаминдер, минералды заттар) алуы үшін қажет. Ақуыздар, өйткені олар барлық органдар мен ұлпалар үшін құрылыс материалы болып табылады. Оларды ет, балық, сүт өнімдері, жұмыртқа және т.б. сияқты өнімдерден алуға болады, балалар ағзасына жануар және өсімдік тектес ақуыздар (амин қышқылдарын алу үшін) түсуі керек. Балалардың белсенді қозғалысы үшін көп күш қажет. Негізгі энергия жеткізушісі көмірсулар (қант, бал, жидектер, көкөністер, жарма, ұн) болып табылады. Көмірсулар, мысалы, ақуыздар мен майлардан артық болуы керек. Майлар-қаймақ, ірімшік, ет, балық алуға болатын қосымша энергия депосы.

3. Мектеп жасына дейінгі балалардың дұрыс тамақтануының маңызды шарты тамақтану тәртібін сақтау болып табылады. Бұл бір күн ішінде калориялығы бойынша тамақтың сандық және сапалы бөлінуі ғана емес, сондай-ақ тамақтардың саны мен олардың арасындағы интервалдар да. Балада тамақтану режимінің болмауы және оның тұрақсыз болуы бірінші кезекте ағзаның күйзелісіне және әртүрлі ауруларға әкелуі мүмкін. Сол себепті ұрпағын ойлайтын әр бір ата – ана балаларын бала бақшаға тәрбиесіне беруі қажет.

МАД, ересек, орта топ тәрбиешілері үстелдерді жасау балалардың кезекшілік жұмыстарын ұйымдастырады. Бұл жұмыстар балалардың үлкендердің еңбегін бағалауға тәрбиелейді. Кезекшілік, тамақтану барысында тәрбиеші балалардың әрбір іс қимылын бақылайды. Тамақтану барысында балаланың өзін – өзі ұстауы, тамақтануы (асты сораптамай ішу, нанды ұсатпау, төкпей-шашпай т.б.), қасықты дұрыс ұстауы, орындықта тұзу отыру т.б іс –әрекеттері назардан тыс қалмауы қажет»

4. Күн тәртібіндегі келесі мәселесі бойынша бөбекжай әдіскері Арыстанбаева Б сөз алып, балалардың білім деңгейінің бастапқы мониторинг қорытындысын айта кетті.

#### Қаулы етеді:

1. Балабақша мүлкіне жауапкершілікпен қарау барлық қызметкерлерге жүктелсін.
2. Баланың денсаулығын нығайтуды қамтамасыз ету үшін тамақтандыруды ұйымдастырудың барлық ережелерін орындау тәрбиешілерге тапсырылсын.
3. Талапқа сай жұмыс жасау барлық педагогтарға жүктелсін.

Төрайымы:

Хатшысы:



Р.И.Айтжанова

**«Күншуақ» бөбекжай- бақшасы» МКҚК**  
**Меңгеруші жанындағы кеңесінің №2 хаттамасы**

**Ақсукеңт ауылы**

**11.10.2023 ж**

Төрайымы: Р.И.Айтжанова

Хатшысы: С.Досполова

Қатысқандар: 30 - қызметкер

**Күн тәртібінде:**

1. Өткен кеңестің шешімдерінің орындалуы.
2. «Өзге тілдің бәрін біл, өз тіліңді құрметте!» тіл апталығы, «Алтын күз» мерекесінің бағдарламасына талдау жасау, бекіту
3. Баланың өмірі мен күн тәртібін дұрыс ұйымдастыру.
4. Бөбекжайда еңбек тәртібінің сақталуын қадағалау.
5. Әртүрлі мәселелер.

**Тыңдалды.**

1. Өткен кеңестің шешімдерінің орындалуы ,балабақша мүлкіне жауапкершілікпен қарапжұмыс жалғасуда.Баланың денсаулығын нығайтуды қамтамасыз ету үшін тамақтандыруды ұйымдастырудың барлық ережелері сақталуда.

Бөбекжай меңгерушісі Р.И.Айтжанова сөз сөйледі. Бөбекжай мүлкі, балалардың денсаулығы мен өмір қауіпсіздігі жайлы сөз қозғады. «Бөбекжайда білім мен тәрбие берудің сапасын қамтамасыз етіп, оны жүзеге асыратын ең басты тұлға педагог болса қазіргі таңда педагогтарға қойылатын талаптар өте жоғары. Балалардың денсаулығы мен қауіпсіздігі бөбекжай қызметкерлерінің күзiреттілігінде екенін ұмытпай тәрбиеші және тәрбиеші көмекшілері өз дәрежесінде жұмыс атқаруда.Балабақша мүлкіне жауапкершілікпен қарау барлық қызметкерлер жауапты екенін естеріңізге саламын. Әр бір затты ұқыпты, күтіп, таза пайдалануларыңызды және естеріңізге саламын» -деп сөзін аяқтады.

**2. Күн тәртібіндегі келесі мәселе бойынша әдіскер Арыстанбаева Б** «Өзге тілдің бәрін біл, өз тіліңді құрметте!» тіл апталығы өткендігі айтылды. Сонымен қатар Сайрам ауданы білім бөлімінің ұйымдастыруымен «Қазақшаң қалай балақай?» байқауына бөбекжайдан әдіскердің жетекшілігімен тәрбиеленуші Абдухаликов Абдумалик қатысқандығы айтылды. Осы тақырыпта бөбекжайдың қазақ тілі мұғалімі А. Азимбаева «Ақ шағала», «Ақ сұңқар» МАД орыс топ тәрбиеленушілерімен жарыс ұйымдастырды. Тәрбиеленушілер бір – бірімен жарыса берілген тапсырмаларды орындағандары жайлы сөз болды.

**Әрбір топ тәрбиешілері топтарының жас ерекшеліктеріне қарай** «Алтын күз» мерекесінің бағдарламасына талдау жасап, бекітуге ұсынылды.

**3. Күн тәртібіндегі келесі мәселе бойынша әдіскер Арыстанбаева Б** Күн тәртібі - бұл күнделікті күндізгі нақты баланың оянуы мен ұйқысының

кезектесуін, сондай-ақ әр түрлі әрекеттерді ұтымды ұйымдастыруды қамтамасыз ететін жоспар. Баланың жас ерекшелігіне, мүмкіндіктеріне сәйкес дұрыс ұйымдастырылған күн тәртібі – бала денсаулығын нығайтады, еңбекке қабілеттілігін, әр түрлі іс-әрекеттерді сәтті орындауын қамтамасыз етеді, шаршаудан сақтайды. Біздің жұмысымыз бүлдіршіндердің күн тәртібін дұрыс ұйымдастырып, денсаулықтары мен қауіпсіздігін ескере отырып оқыту мен тәрбиелеу.

4. Бөбекжайда еңбек тәртібі сақталып, әрбір қызметкер берілген жұмыстарын тиянақты, жауапкершілікпен атқарылсын.

#### Қаулы етеді:

1. «Алтын күз» мерекесінің бағдарламасына талдау жасалынып, бекітілсін
2. Баланың өмірі мен күн тәртібін дұрыс ұйымдастыру жұмыстары жүргізіліп, қадағалансын
3. Бөбекжайда еңбек тәртібі сақталсын.

Төрайымы:  
Хатшысы:



Р.И.Айтжанова  
Досполова С.

**«Күншуақ» бөбекжай- бақшасы» МКҚК**  
**Меңгеруші жанындағы кеңесінің №3 хаттамасы**

**Ақсукеңт ауылы**

**01.12.2023 ж**

Төрайымы: Р.И.Айтжанова

Хатшысы: С.Досполова

Қатысқандар: 30 - қызметкер

**Күн тәртібінде:**

1. Өткен кеңес шешімінің орындалуы.
2. «Тәуелсіздік - Тірегім» мерекесін ұйымдастыру.
- 3.«Жаңа жыл» мерекесіне арналған ертеңгіліктің бағдарламасына талдау жасап, бекіту.
4. Әртүрлі мәселелер

**Тыңдалды:**

1. Өткен кеңес шешімінің орындалуы. «Алтын күз» мерекесі өз дәрежесінде ұйымдастырылып, қызықты өтті.Баланың өмірі мен күн тәртібін дұрыс ұйымдастыру жұмыстары жүргізіліп, қадағалануда. Бөбекжайда еңбек тәртібі сақталуда.

Күн тәртібіндегі мәселе бойынша бөбекжай меңгерушісі Р.И.Айтжанова сөз алды.Барлық топтарда бекітілген кестеге сәйкес, тәрбиелеушілердің жас ерекшелігіне қарай «Алтын күз» мерекесінің талапқа сай ұйымдастырылып өткізілді. Барлық балалар мереке көтеріңкі көңіл күймен қатысты. Әндер айтылды, билер биледі, тақпақтар айтылды. Сонымен қатар барлық ата – аналар «Күз кереметі» тақырыбындағы күз көрмесіне бір кісідей ат салысқан. Ұйымшылдықпен қатысқан ата – аналарға мереке соңында алғыс хаттармен марапатталды. Балаларының ұжымдық өмірге бейімделіп, көпшілік ортада өздерін еркін ұстап, аналарын көрген балалар жыламай өнерлерін көрсетіп жүргенін көрген ата – аналар бөбекжай ұжымына ризашылықтарын айтып жатты.

Баланың өмірі мен күн тәртібін дұрыс ұйымдастыру жұмыстары жолға қойылған. Жас ерекшелігіне, баланың бөбекжайға бейімделуіне қарай жұмыстар жалғасын тапсын. Сонымен ата – аналармен де тығыз байланыста, өз дәрежесінде жұмыстар жүргізіліп жатыр.

Бөбекжайда еңбек тәртібі сақталған. Ешбір қызметкерден теріс мінез- құлық пен іс –әрекет байқалмады. Алдағы уақытта да еңбек тәртібін сақтап жұмысымызды жалғастырайық.

2. Күн тәртібіндегі мәселе бойынша бөбекжай әдіскері Б.О.Арыстанбаева сөз алды. «Тәуелсіздік - Тірегім» мерекесін ұйымдастыру МАД топтарында саз жетекшілері Халикулова Ф, Мадалиева Л мен қазақ тілі мұғалімі Азимбаева А. жүктелді. Орта, кіші топ тәрбиешілері тақырыптық ұйымдастырылған іс – әрекет шарасы ретінде өткізсін. Мереке мақсаты ұрпағымызға тәуелсіздік мағынасын ұғындыру. Патриоттық сезімдерін ояту, туған өлкемізге деген сүйіспеншілігін,елін, жерін сүйуге, Отанын қастерлеуге, еліміздің рәміздерін

кастерлеуге, шыншылдыққа тәрбиелеу. Тілге құрмет сезімін ояту. Болашақ ұрпақтың рухани тұлғалық және адамгершілік құндылықтарын дамыту. Елімізді өркендетуге білімді ұрпақ болуға тәрбиелеу.

3. «Жаңа жыл» мерекесіне арналған ертеңгіліктің бағдарламасы топтардың жас ерекшелігін ескере отырып жасалуын айта кетті. Бағдарлама талданып уақытылы бекітілсін деді.

**Қаулы етеді:**

1. «Тәуелсіздік - Тірегім», «Жаңа жыл» мерекесін өткізу бағдарламасына талдау жасалынып, бекітілсін. Ұйымшылдықпен өткізілсін.

**Төрайымы:**

**Хатшысы:**



**Р.И.Айтжанова**

**Досполова С.**

**«Күншуақ» бөбекжай- бақшасы» МКҚК**  
**Меңгеруші жанындағы кеңесінің №4 хаттамасы**

**Ақсукуент ауылы**

**09.02.2024 ж**

Төрайымы: Р.И.Айтжанова

Хатшысы: С.Досполова

Қатысқандар: 30 - қызметкер

**Күн тәртібінде:**

1. Өткен кеңес шешімінің орындалуы.
2. Тәлімгерлер мектебінің жұмыс барысы.
3. «Аналар күні», «Ұлыстың ұлы күні - әз Наурыз» бағдарламасын бекіту.
4. Барлық ертеңгіліктер мен сауықтыру іс-шараларының бағдарламаларын талдау, бекіту.
5. «Тәрбие көзі – салт дәстүр»  
Өртүрлі мәселелер
6. Аралық мониторинг қорытындысы

**Тыңдалды:**

1. «Тәуелсіздік - Тірегім», «Жаңа жыл» мерекесін өткізу бағдарламасына талдау жасалынып, ұйымшылдықпен өткізілді.
2. Күн тәртібіндегі мәселе бойынша бөбекжай әдіскері Арыстанбаева Б.О сөз алды. Бөбекжай жас маманы Г.К.Норматоваға тәлімгер Юсвалиева жұмыс жоспары бойынша, мектепке дейінгі оқыту мен тәрбиелеудегі нормативтік-құқықтық құжаттармен таныстырды, талқыланды. Жас ерекшеліктері бойынша ұйымдастырылған іс - әрекетіне арналған әдістемелік кітаптары дайындап көрме ұйымдастырды.  
Мектеп жасына дейінгі балалардың біліктері мен дағдыларына бастапқы, аралық мониторинг жасауды үйретті.  
Тәрбиелеу циклограммасын жоспарлап, балалардың күні бойғы іс - әрекеттерін тиімді ұйымдастыру дағдыларын қалыптастыру тәсілін де меңгеруде..  
Жас маман тәрбиешілер жұмыстарына қажетті ақпараттарды шығармашыл ұстаздардың ҮІӨ-не қатысып білімдерін шыңдауда.
3. Саз жетекшілері Мадалиева Л, Халикулова Ф «Аналар күні», «Ұлыстың ұлы күні - әз Наурыз» бағдарламасымен таныстырып, талдап, бекітуге ұсынды. Бағдарлама топтың жас ерекшелігіне қарай әндер, билер мен ойындар таңдалып құрылған. Өр бағдарламаның қуанышты сәттері де ерекше ұйымдастырылған. Балалардың да киер киімдері де ата – аналармен бірлесіп таңдалуда. Алдағы мерекелер қуанышты, сәтті, ұйымшылдықпен өтеді деп ойлаймын.

**5.«Тәрбие көзі – салт дәстүр»**

Тәрбиеленушілердің қазақ халқының салт- дәстүрлері жайлы білімдерін жинақтау, білетін және үйренген ақпараттарын өзара ұштастырып, салт- дәстүрлерді құрметтеп, қадірлей білуге, мейірімділікке тәрбиелеу.

Болашақта білімді, саналы өз ұлтының мәдениетін жетік меңгерген ұлттық нақышта тәрбиеленген қазақ деген атымызды тарихта қалдыратын білімді азаматтар тәрбиелеу жолын көрсетіп, ашып отыр. Өздеріңіз ойлаңыздаршы өзіміздің тамаша мәдениетіміз (әніміз, жырымыз, күйіміз) бен тарихымызды, тілімізді аркалап жүрмесек ұлы елдердің қатарынан қалай және немізбен көрінбекпіз. Болашақ ұрпақтың кілті өз қолдарыңызда құрметті тәрбиешілер. Атам қазақ намысын қолдан бермеген, осынау кең байтақ даламызбен мәдениетімізді мұра етіп, қан мен тер төгіп еңбекпен бизге жеткізді. Енді осы асыл мұраларымызды көзіміздің қарашығындай, елу ел қатарынан қалмай, асыл мұрамызды ұрпақтарымызға жетізейік.

Өзіміздің қазақ халқының да сан алуан салт-дәстүрі бар. Халқымыздың салт-дәстүрлері қай халыққа болса да үлгі боларлық. Салт-әр ұлттың, халықтың діні мен сеніміне, тұрмыс-тіршілігіне, ұлттық құрылым ерекшелігіне сәйкес ғасырлар бойы жинақталып, өмірдің өзі туғызған ғұрыптар тұғырының негізі. Қазақтың бірнеше салт-дәстүрі мен ғұрыптарын атап өтсек.

### **Салт**

1. Шілдехана (салт). Жаңа туған нәрестенің құрметіне жасалатын ойын-сауық, той.
2. Кіндік кесер (салт). Нәресте туған сәтте оның кіндігін әйелдер (кіндік шешесі) дайын тұрады. Кіндік кесу-мәртебелі, абыройлы іс.
3. Бесікке салу (салт). Жаңа туған баланы бесікке салу. Бесік қасиетті, киелі, құтты мүлік, сәбидің алтын ұясы болып есептеледі.
4. Қырқынан шығару (салт). Баланың туғанына қырық күн толған соң оныыдысқа қырық қасық су құйып шомылдырады. Ол сәбидің жан-жүйесінің қалыптасып дені сау болып өсуіне деген ақ тілектен шыққан.
5. Тұсау кесер (салт). Сәби қаз тұрғаннан кейін тез жүріп кетсін деген тілекпен жасалатын ғұрып.

**Ғұрып** — қазақтың өмір салты, өрен салты қолдану мен дәріптеуді ғұрып дейміз. Қазақ халқында қалыптасқан бірнеше ғұрыптар:

- 1) Ат қою (ғұрып). Қазақ халқы жаңа туған сәбиге жақсы есімдер мен әйгілі адамдардың атын қойған. Сонымен бірге бала есімін беделді кісілерге қойғызып батасын алған.
- 2) Айдар (ғұрып). Балалардың төбе шашын ұзартып өсіріп қояды. Бұл ғұрып, ер балаға жасалады. Сәбилерге шаш орнына кекіл, тұлым да қойылады.
- 3) Кекіл (ғұрып). Жас балалардың шашын ұстарамен алып тастайды да маңдайына бір шөкім шаш қалдырып, оның жиегін тегістеп қиып қояды. Оны «кекіл» дейді.

**Дәстүр** - халықтың атадан балаға көшіп, жалғасын және дамып отыратын тарихи әлеуметтік, мәдени-тұрмыстық, кәсіптік, салт-сана, әдет-ғұрып, мінез-құлық, тәлім-тәрбие және рухани іс-әрекеттер көрінісі. Қазақтың бірнеше дәстүрлерін атап өтсек.

1) Тыштырма (дәстүр) Сәбиді бесікке салар кезде бесіктің түбегі тұратын тесіктен құрт, ірімшік, тәттілер өткізіп «тыштыма, тыштыма» деп ырым жасайды және оны «тыштырма» деп атайды. Тыштырманы әйелдер ырым етіп бөлісіп, бала-шағаларына үлестіріп береді.

2) Базарлық (дәстүр) - алыс сапарға шыққан адамдардың жақындарына (жерлес, көрші-көлем, жас балалар, сыйлас адамдарына) әкелген сыйлығы.

3) Байғазы (дәстүр) - балалардың, жастардың жаңа киім үшін берілетін ақшалай, заттай сый.

4) Тілашар (дәстүр). Баласы 7 жасқа толған соң балаға жаңа киім кигізіп, оқу жабдықтарын дайындап, шағын той өткізеді. Мұны «тілашар» тойы деп атайды.

Әр бір салт – дәстүр бала тәрбиесі үшін маңызды роль атқарады.

7. Күн тәртібіндегі келесі мәселе бойынша әдіскер Б.О.Арыстанбаева аралық мониторинг қорытындысына тоқталды.  
Әр бір тәрбиеші балалардың ынтасына, қызығушылығына, сұранысына қарай бала үнін тыңдай отырып жұмыс жасауын айта кетті.

**Шешім:**

1. Тәлімгерлер жас маманмен жұмысы жүргізілсін.
2. «Аналар күні», «Ұлыстың ұлы күні - әз Наурыз» бағдарламасы бекітіліп, ұйымшылдықпен ұйымдастырылсын.

**Төрайымы:**

**Хатшысы:**



**Р.И.Айтжанова**

**Досполова С.**

